

Sainráiteas Príobháideachais

Comhairliúchán poiblí maidir leis an liosta de Thionscadail Leasa Choitinn atá molta (leictreachas agus gás)

(i gcomhthéacs Rialachán Uimh. 347/2013)

1. CUSPÓIR

Is é cuspóir an chomhairliúcháin seo aighneachtaí a fháil ón bpobal mar chuid den phróiseas le haghaidh Tionscadail Leasa Choitinn a shainaithint i réimsí an leictreachais agus an gháis, faoi chúram Stiúrthóir na Stiúrthóireachta Comhacmhainní in Ard-Stiúrthóireacht na Soghluaisteachta agus an Iompair agus Ard-Stiúrthóireacht an Fhuinnimh, i gcáil rialaitheoir sonraí.

Toisc go ndéanann an tseirbhís ar líne seo sonraí pearsanta a bhailiú agus a phróiseáil, tá feidhm ina leith ag Rialachán (CE) Uimh. 45/2001 ó Pharlaimint na hEorpa agus ón gComhairle an 18 Nollaig 2000 maidir le daoine aonair a chosaint i ndáil le próiseáil sonraí pearsanta ag institiúidí agus ag comhlachtaí Comhphobail agus maidir le saorghluaiseacht na sonraí sin.

2. CÉN FHAISNÉIS PHEARSANTA IS GÁ A BHAILIÚ AGUS CÉ NA MODHANNA TEICNIÚLA A ÚSÁIDIMID?

Sonraí aitheantais

Ní dheantar a bhailiú ná a phróiseáil ach na sonraí pearsanta sin atá riachtanach le haighneachtaí a láimhseáil (amhail ainm, sloinne, gairm bheatha, seoltaí poist agus ríomhphoist, uimhir fóin/facs, srl.), chomh maith le tuairimí na bhfreagróirí ar na hábhair i dtrácht.

Tá an phróiseáil a dhéantar ar shonraí pearsanta i ndáil le heagrú agus le riaradh an chomhairliúcháin phoiblí seo riachtanach i gcomhair riaradh agus fheidhmiú an Choimisiúin, mar atá sainordaithe sna Conarthaí, agus go sonrach in Airteagal 5 CFAE, Airteagal 13 CAE agus Airteagail 244-250 CFAE, agus i gcomhréir le hAirteagal 1 agus Airteagal 11 CAE.

Faisnéis theicniúil

Tá "fianáin" socraithe ar an gcóras le go gcinnteofar cumarsáid chuí idir an cliant agus an freastalaí. Beidh ort do bhrabhsálaí a shocrú, dá bhrí sin, le gur féidir glacadh le "fianáin". Ní bhaileofar aon fhaisnéis phearsanta ná rúnda, ná aon seoladh IP ó do ríomhaire pearsanta. Scríosfar na fianáin a luaithe a bheidh deireadh leis an seisiún.

3. CÉ NA DAOINE A BHFUIL ROCHTAIN ACU AR D'FHAISNÉIS AGUS CÉ DÓIBH A NOCHTFAR Í?

Déanfar na haighneachtaí a gheofar, agus ainmneacha na bhfreagróirí, a fhoilsiú ar an Idirlíon, ach amháin mura bhfuil an freagróir sásta a shonraí pearsanta a fhoilsiú ar an bhforas go ndéanadh an foilsiú sin dochar dá leasanna dlisteanacha. I gcás den sórt sin, is féidir an aighneacht a fhoilsiú gan ainm a lua nó is féidir gan í a fhoilsiú má iarrtar sin go sainráite. Aon ghearán a bhaineann le foilsiú sonraí pearsanta, ba cheart é a chur chuig an tseirbhís atá freagrach as an gcomhairliúchán (féach na sonraí teagmhála thíos).

4. AN CHAOI A gCOSNAÍMID DO CHUID SONRAÍ?

Déanfar do chuid freagraí, agus an teanga a roghnaigh tú chun na freagraí a thabhairt, a thaifeadadh i mbunachar sonraí slán cosanta atá faoi chúram Lárionad Sonraí an Choimisiúin Eorpaigh. Cloíonn oibríochtaí an Lárionaid le cinntí agus forálacha slándála an Choimisiúin atá leagtha síos ag an Stiúrthóireacht Slándála do na cineálacha sin freastalaithe agus seirbhísí. Níl teacht ar an mbunachar sonraí lasmuigh den Choimisiún. Is féidir rochtain a fháil air laistigh den Choimisiún le huimhir aitheantais úsáideora agus le pasfhocal.

Is trí nasc neamhchriptithe a úsáideann an gnáthphrótacal http a fhaightear rochtain ar an bhfeidhmchlár.

5. AN CHAOI LE FAISNÉIS A SHEICEÁIL, A MHODHNÚ NÓ A SCRÍOSADH?

Má theastaíonn uait seiceáil cé na sonraí pearsanta de do chuid atá á stóráil ag an rialaitheoir sonraí is inniúil, nó iad a athrú, a cheartú nó a scríosadh, is féidir na sonraí teagmhála thíos a úsáid le dul i dteagmháil leis an rialaitheoir sonraí agus an iarraidh atá agat a thabhairt le fios go soiléir.

6. CÉ CHOMH FADA A CHOIMEÁDTAR SONRAÍ?

Fanfaidh do shonraí pearsanta sa bhunachar sonraí go dtí go mbeidh anailís iomlán déanta ar na torthaí agus déanfar iad a dhícheangal ó ainm an fhreagróra a luaithe a bheidh leas bainte astu, agus ar a dhéanaí bliain tar éis dheireadh an chomhairliúcháin.

7. SONRAÍ TEAGMHÁLA

Má theastaíonn uait seiceáil cé na sonraí pearsanta de do chuid atá á stóráil ag an rialaitheoir sonraí is inniúil, nó iad a athrú, a cheartú nó a scríosadh, nó má tá aon cheisteanna agat faoin bpróiseas comhairliúcháin, nó faoi aon fhaisnéis a phróiseálfar le linn an chomhairliúcháin, nó faoi do chearta, is féidir dul i dteagmháil leis an bhfoireann tacaíochta, a oibríonn faoi chúram an rialaitheora sonraí, ag an seoladh seo a leanas:

Ard-Stiúrthóireacht an Fhuinnimh, Aonad B.1. (Líonraí agus Tionscnaimh Réigiúnacha)

Seoladh ríomhphoist: ENER-B1-PROJECTS@ec.europa.eu

8. GEARÁIN

Is féidir gearán, i gcás easaontais, a sheoladh chuig an Maoirseoir Eorpach ar Chosaint Sonraí.